

ԱՐԾՐՈՒՆ ԱՎԱԳՅԱՆ

ԿՈՍՏԱՆ ԶԱՐՅԱՆ, ԿՅԱՆՔԸ ԵՎ ԳՈՐԾԸ
Ե., 1998, Երևանի համալսարանի հրատ., 294 էջ:

Կոստան Զարյանը XX դ. հայոց դրականության ամենաառնչված աշխատանքներից է, թե իր կյանքով, թե ստեղծագործությամբ՝ և տասնամյակներ շարունակ իր վրա է բեռնել իրական հասարակության (Սփյուռքում և այստեղ) ուշադրությունը՝ իրրեք բաղաժամանակ անհայտնություն մի հավասարում: Այդ անհայտնությունից մի րանխոս ալսօր էլ՝ Արծրուն Ավաղյանի հաջողված, ամբողջական դրքի ներկայությամբ, մնում են այն հիմունքներով, որ ամեն մեծ դրող ու արվեստագետ յուրաքանչյուր նոր սերնդի հետ խոսում է նաև անհայտների լեղվով և սպասում նորանոր պատասխանների: Դա նրա բնույթն է, տաղանդի նշաններից, միայն սովորականների հավասարումն է միանշանակորեն լուծվում, ինչպես զարգացումն ինդիքի:

Մենապրության կենսապատումը, որքան էլ դիտական ու փաստագրական, չի կարելի առանց հուզմունքի կարգալ, որովհետև այս էջերում, Զարյանի ճակատագրի օրինակով, տեսնում ենք նաև մեղ և մեծերին դիտակցաբար, թե անդիտորեն երբեմն անտեսող մեր ժամանակի ավանդական կնիքով չար ու ուրմեծի նշանները: Կոստան Զարյանին բախտ չվիճակվեց իր երկերի ժողովածուն մի րանի հատորով տպագրված տեսնել, նրա երկերի մեծ մասը մնաց տասնամյակների աշխարհասփյուռ հայ մամուլում, ըստ էության՝ անթերցող, տեսել է նաև՝ անտեր, իր արժեքն ու նշանակությունը պահպանելով միայն Արծրուն Ավաղյանի նման նվիրյալների համար:

Գրքի առավելությունը, որ բխում է թե կենսապատումից և թե, մանավանդ, դրողի ստեղծագործության վերլուծումներից ու դնահատումներից, հեղինակի այն դիտակցությունն է, ըստ որի՝ Կոստան Զարյան երևույթի անտեսումը, նրա դերի ու նշանակության արհեստական իջեցումը տասնամյակների իրական ռադարտկանությամբ, նրա ավելի կամ պակաս չափով օտարումը XX դ. հայոց դրականության մայր ճանապարհից, մեծապես խոչընդոտել-խանգարել է իրական զարգացման ամեն առումով, հատկապես՝ զեղադիտական հայացքի արդիականության: Կոստան Զարյանը նա էր և է, որի դարձում ուսանելը (ինչպես հայոց մյուս մեծերի) ոչ թե ցանկալի է, այլ պարտադիր:

Արծրուն Ավաղյանը դիտական պարտաճանաչությամբ հիշել է այն ըուրր կարևոր անուններն ու դործերը, որոնք անդրադարձել են Կոստան Զարյանին, այդ շարքում կան մեծ ու վաստակավոր դեմքեր, որոնք հետաքրքիր ու բնորոշ դիտարկումներ են արել դրողի վերաբերյալ, սակայն այդ ամբողջը շատ զեպքերում մնում է իմպրեսիոնիստական, էսեիստական դրականադիտության ու րննադատության դաշտում և չի հասնում փաստերի ռազմակողմանի համադրմամբ դիտական րնհանրացման: Սրանով րնավ չեմ ցանկանում սովերել այդ մոտեցման նշանակությունը, րնհակառակը, որոշ բարձր դրսևորումներով, էսեայությունը հասնում է ավելիին, քան զտարյուն դիտական վերլուծությունը, ինքը՝ Կոստան Զարյանը, այս ժանրի անզուղական վարպետ է՝ թրված եվրոպական իմպրեսիոնիզմում, մտքի, ողորդիկության ու զգացմունքների փոխներթափանցման փայլուն արտահայտիչ: Ա. Ավաղյանի ուսումնասիրությունն առաջին լուրջ, ծանրալիք քայլն է՝ Կոստան Զարյանին դիտելու դիտական հայացքի խոչորացուցով:

Զարյանի կյանքն արժանի է դիտական նկարագրության, նա հարազատ ժողովրդի ճակատագրում թաթախված հայ դրողների պայծառ համաստեղության այն դասական վերջին մոհիկանն է, որի կյանքը հարստացնում է դործն

ապրված զգացմունքների տառապանքով, իսկ գործը իմաստավորում, անհատականացնում է կյանքի հանգրվանները՝ գրանցելով դարաշրջանը բոսուժագրող նշաններ: Ա. Ավագյանի՝ փաստերի գիտական ընտրությամբ բարեխղճորեն արված անդրադարձը նրա կյանքին, թեև ոչ ամենայն մաքուր ամսանոթյամբ, մեզ ներկայացնում է գրողի և նրա ապրած ժամանակի այն, քան անհրաժեշտ պատկերը՝ մի ընդարձակ մուտք դեպի նրա հարուստ ստեղծագործական աշխարհը:

Ի պատիվ Արծրուն Ավագյանի պիտի ասել, որ նա կարողացել է գրողի գլխավոր երկերի շարքում ի մի բերել նաև բավականին «երկրորդ պլանի» ռուսագծագործություններ, որով և ամբողջացել է Զարյանի գրողական դիմանկարն էական գունագծերով:

Աշխատության երկրորդ գլխում՝ «Գեղագետ տեսարանն ու քննադատությունը», վերլուծվում է գնահատվում է, ըստ իս, ամենաբարդ, հետաքրքիր և մեղանում շատ կողմերով նորություն խոսող ու քարոզող Զարյանը: Մենք այդպիսի մի գրող էլ ունենք՝ Հակոբ Օշականը: Բայց ի տարբերություն Օշականի գեղագիտական ու քննադատական հայացքների, թող թույլ տրվի ասել՝ զգալի խառնիճաղանջությանը, Կոստան Զարյանի մտքերն ու կողմնորոշումները համակարգված են մի կուռ ու ամբողջական աշխարհափիլիսոփայությամբ, որտեղ խաչվում են ազգային ու համամարդկային, պատմությունն ու ներկան, կյանքն ու արվեստը, և այդ ամենն ուղղված՝ դարաշրջանի զարգացմանը: Ավագյանն այստեղ սահմանափակվել է այսպես ասած ընդհանուր դրույթներով, սակայն մատը դրել գրեթե փիլիսոփայի պես խորհող և իր մտքերը մաթեմատիկոսի մակարդակով՝ ձևակերպող զարյանական այդ ներաշխարհի մի քանի էական կողմերի վրա: Այստեղ էլ ընտրությունը ճշգրիտ է արված՝ բնորոշը, այսօր էլ կարևորը և ընդհանրականը՝ «Իրական իրականության» և «անիրական իրականության» զուգորդման մեջ Ավագյանը տեսնում է զարյանական գեղարվեստական մտածողության բնույթը: Հեղինակն առանձնացրել է նաև «հայրենիքի ճակատագրի և մարդու ազատության խնդիրները»: Գրողի հիանալի ճանաչողությունը, առավել ևս ներգագցողությունը նրան թելադրում է գրել: «Աղատատենություն, ճշմարտության ու գեղեցկության նվիրումներն առհասարակ շատ սրտամոտ են գրողին, որը նրան հնարավորություն է տալիս դուրս գալու ազգային նեղ շրջանակներից, ապրել համամարդկային ու «տիեզերական» հոգս ու ցավերով: Խիստ բնորոշ է նաև հետևյալ գիտումը. «Զարյանը համոզված էր, որ իսկական արվեստագետը ոչ միայն պատկերում է այն, ինչ որ կա, այլև այն, որ միայն ինքն է տեսնում՝ նյութին տալով իր ես-ի պատկերը»: Ըստ Զարյանի, «բուն գեղեցիկն այնտեղ է, ուր անծանոթն է ու անտեսանելին»: Ոչ թե կյանքն արտադրել, այլ գրականության մեջ ռուսեղծել նոր կյանք՝ հայտնաբերելով «խորքային իմաստներ»: Ինչպես նշում է գրականագետը, դա իրականանում է մտքի անսովոր թռիչքներով, փիլիսոփայական խորացումներով, պատկերավորման ոչ սովորական ձևերով, վերացարկված մտածողությամբ, երևույթների խորհրդանշաններով: Ավագյանը ճշգրիտ է նշում Զարյանի գեղագիտական մտքի նշանաձողերը: Ըստ Զարյանի, բառերը «շինված են իրերի մակերեսը արտահայտելու համար», որոնց ետևվում «անտեսանելին և անքննելին է»: Ի տարբերություն «բանաստեղծությունը բառն է» տարածված կարծիքի, Կոստան Զարյանը համոզված է, որ երդր բառը չէ, այլ՝ հոգին, բառը լույս է նշան է «բաց անելու համար հանգույցը մտքի», իսկ բուն երգը անբառ է: Նույնիսկ «սեր», «հոգի» բառերը, եթե չեն բացում մտքի հանգույցը, ասել է՝ ներքին մարդու ալեկոծ ծովը, որքան էլ գեղեցիկ՝ մնում են բառարանում գրված բառեր: Զարյանը շիկացած ապրումի կողմնակիցն է, որ կարող է արտահայտվել նաև առանց բառերի, այդ ծովի հայելին հանդիսացող աչքերով, մտքի զգացմունքով, այստեղից էլ՝ նա առաջադրում է թիչ բառերի գեղարվեստական տեքստը՝ ընդդեմ բառերի վաճառականության:

Հատկապես արժեքավոր է գրականագետի համախոհությունը Զարյանի «Հային Հիսուսը», «Հեթանոսություն» հոդվածների գարափարներին,

որոնցում «հալ դրականության թերություններից մեկը» արդարացիորեն համարվում է այն, որ մենք «գրեթե միշտ շեշտը դրել ենք սոցիալական խնդիրների վրա»՝ հերոսներին կապելով «առարկայական աշխարհին», նրանց կախման մեջ դնելով «նյութականից»։ «Այսինքն,—շեշտում է Ավագյանը,— այն արտացոլել է ուրիշների մենք-ը, փոխանակ պատկերելու իր ես-ը»։ Գրականության մեջ «ինքնության և անձնականության» շեշտադրումն է, որ պիտի հանդեպնի հայ ողու պաշտամունքին, ազդալին թաքնված հանճարի հայտնաբերմանը։ Սա հայ դրականության, դիսավորասպես արձակի, մի ավանդական թերությունն է, որ շարունակվում է առ ալսօր, հետևաբար դեռևս 10-ական թվականներին արտահայտված այս դադափարները պահպանում են իրենց արդիականությունը։

Կոստան Զարյանը իր ստեղծագործության մեջ և հատկապես գեղագիտական հայացքներում ձգտում էր հայոց դրականության եվրոպականացմանը՝ դրանով իսկ դիտակցարար թե ևնթադիտակցորեն կանգնելով Տևրյանի «Հայ դրականության դայիք օրը» գրական մանիֆեստի կողքին, նրանից մեկ առաջ ընկնելով, մեկ հետ, բայց, ճակատագրի և ապրած երկար կյանքի հանգամանքով՝ ավելի սուաջ, և գա գդայի առաջագիմական ազդեցություն ունեցավ թե սփյուռքահայ և թե արեևկահայ գրական կյանքի վրա։

«Կոստան Զարյան. կյանքը և դործը» ուսումնասիրությունը, գրողի կենսաստատմից հետո, նրան ղուղահեռ արժեքավորվում է գարյանական գեղագիտական հայացքների գիտական հանգամանալից վերլուծությամբ։ Այստեղ Արծրուն Ավագյանը հանգես է բերել գրականագետի լայն հետաքրքրություններ՝ երևույթները դիտելով թե իբրեւ գրականության պատմաբան, և թե որպես տեսության հարցերի գիտակ ու քննադատ։ Մշակելով աշխատության այս երկրորդ դիտի տեսարանությունը, նա հիմնավոր նախապայման է ստեղծել Զարյանի զեղաբվեստական ժառանգության՝ բազմաթանր պոեզիայի և արձակի վերլուծության և զնահատությունների համար, որոնք, թեև ոչ միշտ խորքային ընդգրկումով, տիպական գծերով մեզ են ներկայացնում գրողի զեղաբվեստական աշխարհի էությունը։ Աշխատության այս ղուխները ոչ այնքան թե մատիկ բնույթ ունեն, որքան պրոբլեմային, և ի մի բերելով ընգհանրացնում են Կոստան Զարյանի զեղաբվեստական աշխարհի պատկերը՝ ազգային ու համամարդկային շահախնդրություններով, մշտապես ուղղված գրականության և ժողովրդի ոչ այնքան ընթացիկ կյանքի, որքան գոյապահպանության վաղվա օրվան, որը, նրա կարծիքով, պիտի լինի հզոր՝ մտոք և ոգեղինությամբ։

Արծրուն Ավագյանի աշխատությունն ունի որոշ բացթողումներ։ Նշելով Կոստան Զարյանի իրական-գեղագիտական հայացքներում երբեմն հանդիպող «հակասություններն ու ծայրահեղությունները, գերագույն ճշմարտություն հայտնելու հավանությունները»՝ Ավագյանը իրեթե միշտ հանդուրժում է այդ հայացքների «հակասություններն ու ծայրահեղությունները», մի տեսակ անձնատուր լինելով դրանց։ Այս հոգեբանությունը հասկանալի է, շատերս այսպես կվարվեինք՝ կանգնելով մեծ գրողի առջև և նայելով նրա խոր ու պայծառ-դույն աչքերին, իսկ Զարյանը հենց այդպիսի աչքեր ուներ, չէինք համարձակվի ասելու՝ աչքիդ վերե ունք կա։ Այդուամենայնիվ, մի հարցում նրա հետ հարկ է վիճել և հիմնավորապես վիճաբանել՝ հայոց գրականության «վերքասացության», ինչպես նաև «ողբասացության» հարցում Զարյանն սպանիչ է ասում՝ դարեր շարունակ «վերք ենք քորել»։ Եկեք մտածենք՝ ինչու, և արդյո՞ք այս վերքաքորությունը հենց քորություն է և ոչ հայոց պատմության տառապանք, ճակատագիր, որին գրականությունը չէր կարող և չի կարող անտարբեր լինել։ Սա նյութը չէ, որ ենթակա է քորման, այլ հոգին, որ ենթակա է ներդաշնան սրտով, արյամբ և մտքով։ Խորենացու «Ողբից» սկսած և դեռ ավելի վաղ, հայոց ողբասացությունը՝ Նարեկացի, Արծրյան, «Երկիր Նաիրի», մինչև մեր օրերը՝ «Անյուելի պանդակառուն», ողբասացություն չի եղել, առավել ես՝ վերքաքորություն, այլ մեր գրական-հոգեոր հայտնագործություններից մեկը՝ ողբ անունով գրական ժանր, մեր գրականության ազգային տիպաբանության գիծ, որ, իրենց, ուրիշ ոչ մի գրականություն չունի, երաժշտական, ողբերգական խո-

րալ գրականության մեջ: Երբեմն բանավեճի ոգևորությամբ տարված, Ջարյանընրն արել է բնութագրումներ, որոնց հետ չպետք է համաձայնել, մանավանդ՝ չմոռանանք, իր գրական-գեղարվեստական ժառանգությունը նույնպես թաթախված է վերքի ցավերից ծնված ողբասացության մեջ:

Կոստան Ջարյանի գրական, տեսաբանական, գեղագիտական դասերը արժեք գրքում ընդգծումներով ներկայացնել՝ հատկապես սերունդներին ի տես՝ որպես դպրոց ու համալսարան:

Կարծում եմ, անհրաժեշտ էր հանգամանորեն խոսել մեր որոշ գրողների վրա Ջարյանի թողած գրական ազդեցության մասին, մասնավորապես՝ Պարույր Սևակի, որն անցել է նաև Պարյանական դպրոցի միջով՝ ինքն էլ դառնալով դպրոց:

«Կոստան Ջարյան. կյանքը և գործը» գրքի հրապարակ գալը նշանակալից երևույթ է մեծատաղանդ գրագետի (այդպես կասեին սփյուռքահայերը) կյանքի ու գրական ժառանգության ուսումնասիրման ձանապարհին, սրանով նոր ազդակ է տրվում գրողի ստեղծագործության ճանաչողությանը, որը, ցավոք սրտի, այսօր բավարար չէ լայն ընթերցողի կողմից, ինչպես նաև ճշգրտում: Կոստան Ջարյանը իրեն արժանի համբավը չունի թե ժողովրդի և թե գրականության պատմության մեջ: Դա անարդարություն է: Դա աղքատացնում է մեր պատմությունը: Սրա հիմնական պատճառներից մեկը նրա երկերի ցրվածությունն է աշխարհասփյուռ հայ մամուլում: Դժվար թե առաջիկա տարիներին հնարավորություն ունենանք մի քանի հատորով մեկանգնելու Ջարյանի գրական ժառանգությանը: Սակայն կարևոր մի քայլ կարող ենք անել՝ Կոստան Ջարյանի երկերի լիակատար մատենագիտական գրքույկի հրատարակությունը, որը հնարավորություն կտա հետաքրքրասեր ընթերցողներին և նոր հետադիմողների գնալու նրա հետքերով: Այդ աշխատանքը ամենից լավ կարող է անել Արծրուն Ավագյանը՝ մեր Ազգային ակադեմիայի, Երևանի պետական համալսարանի բանասիրական ֆակուլտետի և նրա գրականության ամբիոնների աջակցությամբ:

Ն. Մ. ԱԴԱԼՅԱՆ

Բանասիրական գիտությունների դոկտոր